

FJÁRMÁLAÆFTIRLITIÐ

Alþingi
Erindi nr. P 136/1412
komudagur 23.3.2009

Alþingi
B.t. nefndarsviðs, Kristjana Benediktsdóttir.
v/ Austurvöll
150 REYKJAVÍK

20. mars 2009
Tilvísun: 2009030057

Frumvarp til laga um tímabundnar endurgreiðslur vegna kvikmyndagerðar á Íslandi, nr. 43/1999, með síðari breytingum, 407. mál.

Fjármálaeftirlitið vísar til tölvupóstar frá nefndarsviði Alþingis dags. 17. febrúar 2009. Með tölvupóstinum var sent til umsagnar frumvarp til laga um tímabundnar endurgreiðslur vegna kvikmyndagerðar á Íslandi, nr. 43/1999, með síðari breytingum, 407. mál.

Umrætt lagafrumvarp heyrir ekki undir verkssvið Fjármálaeftirlitsins, og því tekur Fjármálaeftirlitið ekki sérstaka afstöðu til þess og gerir ekki athugasemdir við efni þess.

Virðingarfyllst,

FJÁRMÁLAÆFTIRLITIÐ



Guðmundur Jónsson



Íris Björk Hreinsdóttir

	Iðnaðarráðuneyti	
	Minnisblað	

**Minnisblað
Áminningar**

	Áskriftir:
--	-------------------

Viðtakandi: **Iðnaðarnefnd Alþingis**

Sendandi: **Guðrún Þorleifsdóttir; iðnaðarráðuneyti**

Dagsetning: **20.03.2009**

Málsnúmer: **IDN09020100**

Bréfalykill: **5.0.6**

Efni: **Frumvarp til laga um tímabundnar endurgreiðslur vegna kvikmyndagerðar á Íslandi, nr. 43/1999 með síðari breytingum, 407. mál.**

Tilmæli ráðherra:

Texti:

Í núgildandi lögum um tímabundnar endurgreiðslur til kvikmyndagerðar er kveðið á um þau skilyrði sem uppfylla þarf til að hljóta endurgreiðslu skv. lögnum og hvert umsóknarferlið er. Eitt af skilyrðum laganna er að senda skal umsóknir til iðnaðarráðuneytis áður en framleiðsla kvikmyndar eða sjónvarpsefnis hefst. Í framkvæmd hefur aldrei verið vikið frá þessu skilyrði laganna og umsóknum sem berast eftir að framleiðsla er hafin er hafnað. Næsta stig í ferlinu er að nefnd sem skipuð er fulltrúum frá iðnaðarráðuneyti, fjármálaráðuneyti, menntamálaráðuneyti og Kvikmyndamiðstöð fer yfir umsóknina og metur hvort öll skilyrði laganna eru uppfyllt. Í framhaldinu er gerð tillaga til iðnaðarráðherra um afgreiðslu málsins. Teljist öll skilyrði laganna uppfyllt gefur iðnaðarráðuneytið út vilyrði fyrir endurgreiðslu. Í vilyrðinu kemur fram að endurgreiðslufjárhæð er ekki greidd út fyrr en framleiðslu kvikmyndaverkefnis er lokið og uppgjör og ársreikningur liggja fyrir. Endurgreiðslufjárhæð er í framkvæmd aldrei greidd út fyrr en uppgjör liggur fyrir og hin sérstaka endurgreiðsla er oft í reynd síðasti liður í uppgjörferlinu vegna framleiðslu kvikmyndar.

Ferlið í heild sinni þ.e. frá útgáfu vilyrðis og til uppgjörs er eðli málsins samkvæmt mislangt eftir stærð verkefna og ýmsum öðrum þáttum. Í flestum tilvikum liður þó á bilinu eitt til tvö ár frá útgáfu vilyrðis og fram að útborgun endurgreiðslunnar.

Þennan langa feril er mikilvægt að hafa í huga þegar horft er til áhrifa endurgreiðslugreiðslulaganna á ríkissjóð. Samkvæmt þeim rannsóknum sem unnar hafa verið fyrir iðnaðarráðuneytið á áhrifum endurgreiðslunnar á ríkissjóð, fyrst af Hagfræðistofnun

Háskóla Íslands árið 2006 og af fjárfestingastofu árið 2009, er talið að ríkissjóður beri ekki byrði vegna endurgreiðslanna og er þar horft til þess að skatttekjur ríkissjóðs eru að öllum líkindum hærri en sem nemur endurgreiðslunum (úttekt Hagfræðistofnunar HÍ miðaðist við 12% endurgreiðsluhlutfall en úttekt fjárfestingastofu miðast bæði við 12% og 20% endurgreiðsluhlutfall). Telja verður að þær tekjur sem ríkið hefur af framleiðslunni falli að mestu til á framleiðslutímanum í gegnum staðgreiðslu launa og óbeina skatta s.s. virðisaukaskatt af aðföngum til framleiðslunnar. Ríkissjóður ætti því að hafa fengið til sín stærstan hluta þessara tekna þegar til útborgunar kemur.

Í umsögn fjármálaráðuneytis um frumvarpið kemur fram að vegna halla á ríkissjóði muni að óbreyttu þurfa að fjármagna viðbótarútgjöld með lántökum. Telja verður að í þessum orðum felist ekki að reiknað sé með halla á ríkissjóði vegna breytinga á endurgreiðslulögunum sérstaklega heldur að almennt megi gera ráð fyrir lántökum ríkissjóðs vegna viðbótarútgjalda.

18.3.2009

Alþingi
Erindi nr. P 136/129/
komudagur 18.3. 2009

Iðnaðarnefnd Alþingis.

Hef lesið drög að frumvarpi til laga um tímabundnar endurgreiðslur vegna kvikmyndagerðar á Íslandi sbr. tölvupóst dags. 17.mars s.l.

Geri ekki athugasemdir.

Fagna frumvarpinu og vona að það verði samþykkt!

Kærar kveðjur,

Laufey Guðjónsdóttir
forstjórnari Kvikmyndamiðstöðvar Íslands
Director, Icelandic Film Centre

19.3.2009

Alþingi
Erindi nr. P 136/1307
komudagur 19.3.136/130

Iðnaðarnefnd Alþingis

Stjórn SÍK, Samband íslenskra kvikmynda framleiðenda fagnar tilkomu frumvarpsins" um breyting á lögum um tímabundnar endurgreiðslur vegna kvikmyndagerðar á Íslandi, nr. 43/1999 ", lýsir yfir eindregnum stuðning við það og hefur mikla trú á að það geti orðið veruleg lyftistöng fyrir íslenska kvikmyndagerð og fjölgað störfum í greininni.

f.h. stjórnar SÍK
Ari Kristinsson
formaður